

四庫全書

集部

欽定四庫全書

石倉歷代詩選卷一百二十一

明 曹學佺 編

晚唐拾遺八

朱晝

賦得花藤藥盒寄顏陰故人

藤生南海濱引蔓青且長  
剪削爲花枝何人無文章  
有才亦有才割骨聞餘芳  
繁葉落何處孤貞在中央  
願盛

黃金膏寄與青眼郎路遠莫知意水深天蒼蒼

段成式

賀盧員外賜緋

雲雨軒懸鶯語新一篇佳句占陽春  
銀黃年少偏欺酒金紫風流不讓人  
連璧座中斜日滿貫珠歌裏落花頻  
莫辭倒戴吟歸去看欲東山又吐茵

吳大江

擣衣

沙塞秋應晚金閨恨已空那堪裂紈素時許出房櫳杵  
影弄寒月砧聲調夜風裁縫雙淚盡萬里寄雲中

翁綬

詠酒

逃暑迎春復送秋無非綠蟻滿盃浮百年莫惜千回酒  
一盞能消萬古愁幾爲芳菲眠細草曾因雨雪上高樓  
平生名利關身者不識狂歌到白頭

趙牧

對酒

雲翁耕扶桑種黍養白鳥手按六十花甲子循環落落  
如弄珠長繩繫日未是愚有翁臨鏡將白鬚飢魂弔骨  
吟古書馮唐八十無高車人生如雲在須臾何乃自苦  
八尺軀裂衣換酒且爲娛勸君朝飲一瓢夜飲一壺杞  
天崩雷騰騰紂非舜何足憑桐君桂父豈勝我醉裏白  
龍多上昇菖蒲花開魚尾定金丹始可延君命

李敬方

勸酒

不向花前醉花應解笑人只憂連夜雨又過一年春日  
日無窮事區區有限身若非盃酒裏何以寄天真

南巨川

賦得沽美玉

抱玉將何適良工正在斯有瑕寧自掩匪石幸君知雕  
琢嗟成器縑磷志不移飾樽光宴賞入佩奉威儀象德  
曾留譽如虹竊可奇終希逢善價還得桂林枝

辛洪

賦得白珪無玷

片玉表堅貞逢時寶自呈色鮮同雪白光潤奪冰清皎  
皎無瑕玷鏘鏘有佩聲崑山標重價垂棘振香名抱璞  
心常苦全真道未行琢磨欣大匠還冀動連城

浩虛舟

賦得琢玉成器

已沐識堅貞應憐器未成輝山方可重散璞乍堪驚玷

滅隨心正瑕消奪眼明琢磨虹氣在拂拭水容生賞翫  
永光冷提携月魄輕佇當親捧握瑚璉幸齊名

孟簡

賦得亞父碎玉斗

獻謀旣我違積憤從新痾鴻門日已迫赤帝時潛退寶  
位方苦競玉斗何情愛猶看虹氣凝詎惜冰姿碎而嗟  
大事返當起千里悔誰爲西楚王坐見東城潰

裴次元



前題

雄謀竟不決寶玉將何愛  
倏爾霜刃揮颯然春冰碎  
飛光動旗幟散響驚環珮  
霜濃繡帳前星流錦筵內  
圖王業已失爲虜言空悔  
獨有青史中英風冠千載

鄧陟

賦得珠還合浦

至寶含冲粹清虛映浦灣  
素輝明蕩漾圓彩色紛編昔  
逐諸侯去今隨太守還  
影搖波裏月光動水中山  
魚目

徒相比驪龍乍可攀願將車飾用長日耀君顏

王損之

賦得濁水求珠

積水非澄澈明珠不易求依稀沈極浦想像在中流  
瞪目思清淺褰裳恨暗投徒看川色媚空愛夜光浮  
月入疑龍吐星歸似蚌遊終希識珍者採掇冀冥搜

白行簡

賦得金在鎔

巨橐方鎔物洪爐欲範金紫光看漸發赤氣望逾深  
熱晴雲變煙浮晝景陰堅剛由我性鼓鑄任君心  
踴躍徒標異沈潛自可欽何當得成器待叩何知音

李朋

綿州中丞以江山小圖垂賜兼寄詩

巴江與雪山井邑共廻環圖寫丹青內分明煙靄間  
移居名郡邑助我小齋閒日想登臨處高蹤不可攀

盧延遜

詠棋

十九條平路言平又嶮巖人心無算處國手有輸時勢  
迫星流遠聲乾下電遲臨軒繞一局寒日又西垂

蔡孚

打毬篇

臣謹按打毬者往之蹴鞠古戲也黃帝所作  
兵勢以練武士知有材也竊美其事謹奏打  
毬篇一章凡七言九韻

德陽宮北苑東頭雲作高臺月作樓金鉏玉瑩千金地  
寶杖琤文七寶毬寶融一家三尚主梁冀頻封萬戶侯  
容色由來荷恩顧意氣平生事俠遊共道用兵如斷蔗  
俱能走馬入長楸紅鬃錦鬣風驟驥黃絡青絲電紫駟  
奔星亂下花場裏初月飛來畫杖頭自有長鳴須決勝  
能馳迅足滿先籌薄暮漢宮愉樂罷還歸堯室曉垂旒

劉言史

觀繩伎

秦陵遺樂何最珍  
綵繩冉冉天仙人  
廣場寒食風日好  
百夫伐鼓錦臂新  
銀畫青綃抹雲髮  
高處綺羅香更切  
重肩接立三四層  
著屐背行仍應節  
兩邊圓劒漸相迎  
側身交步何輕盈  
閃然欲落却收得  
萬人肉上寒毛生  
危機險勢無不有  
倒挂纖腰學垂柳  
下來一一芙蓉姿  
粉薄鈿稀態轉奇  
坐中還有沾巾者  
曾見先皇初教時

顧封人

月中桂樹

芬馥天邊桂扶疎在月中能齊大椿長不與小山同皎  
皎舒華色亭亭麗碧空虧盈寧委露搖落不關風歲晚  
花應發春餘質詎豐無因遂攀折常欲望青蔥

公乘億

賦得秋菊有佳色

陶令籬邊菊秋來色轉佳翠攢千片葉金剪一枝花  
逐蜂鬚亂英隨蝶翅斜帶香飄綠綺和酒上烏紗

司馬都

奉和陸魯望白菊

耻共金英一例開，素芳須待早霜催。  
遠籬乍見成瑤圃，泛酒初迷傍玉盃。  
映水好將蘋作伴，犯寒疑與雪爲媒。  
夫君每尚風流事，應爲徐妃致此栽。

張賁

前題

雪綵氷姿號女華，寄身多是地仙家。  
有時南國和霜立，幾處東籬伴月斜。  
謝客瓊枝空貯恨，袁郎金鈿不成夸。



自知終古清香在更出梅粧弄晚霞

楊於陵

紫薇

晏朝受明命維夏走天衢逮茲三伏候自駕萬里途省  
躬既跼蹐結思多煩紆簿領幸無事宴體誰與娛內齋  
有嘉樹幾植分庭隅綠葉下成幄紫花紛若鋪落霞晚  
舒艷凝露朝垂珠炎沴盡方鑠幽姿閒且都夭桃固難  
匹芍藥寧爲徒懿此時節久詎同光景驅陶甄試一致

品彙乃散殊擢箕飛受采無心那得朱粵余負羈縻留  
賞益踟躕通夕靡云倦西南山月孤

賈謨

賦得芙蓉出水

的礫舒芳艷紅姿映綠蘋搖風開細浪出沼媚清晨翻  
影初迎日流香暗襲人獨披千葉淺不競百花春魚戲  
參差動龜遊次第新涉江如可採從此免迷津

吳武陵

貢院樓北新栽小松

拂檻愛貞容移根自遠峰曾經芳草沒終不住苔封葉  
少初凌雪鱗生欲化龍乘春濯雨露得地近垣墉逐吹  
香微動含煙色漸濃時迴日月照爲謝小山松

獨孤綬

賦得花發上林

上苑韶容早芳菲正吐花無言向春日閒笑任年華潤  
色籠輕靄晴光艷晚霞影連千戶竹香散萬人家幸遠

樓臺近仍還雨露賒願君垂採摘不使落風沙

周渭

前題

灼灼花凝雪春來發上林向風初散葉垂葉欲成陰人  
過香隨遠煙晴色自深淨時空結霧疎處未藏禽葦茸  
何年植間關幾日吟一枝如可冀不負折芳心

王儲

前題

東陸和風至先開上苑花  
穠枝藏宿鳥香藥拂行車  
散白憐香日舒紅愛晚霞  
桃間留御馬梅處入胡笳  
城郭連增媚樓臺映轉華  
宣同幽谷草春至發猶賒

劉象

鷺鷥

潔白孤高生不同頂絲清軟冷  
搖風窺魚翹立荷香裏  
慕侶低翻柳影中  
幾日下巢辭紫閣多時凝目向晴空  
摩霄志在潛修羽會接鸞凰到葦叢

王穀

暑日題道傍樹

火輪迸焰燒長空浮埃撲面愁濛濛  
羸童走馬喘不進忽逢碧樹含清風  
清風留我移時住滿地濃陰懶前去  
却歎人無及物功不似團團道傍樹

陸宸

禁林間曉鶯

曙色分層漢鶯聲繞上林  
報花開瑞錦催柳綻黃金斷

續隨風遠間關送月沈語當溫樹近飛覺禁林深繡戶  
驚殘夢瑤池轉好音願將栖息意從此沃天心

蔡京

詠子規

千年冤魄化爲禽永逐悲風叫遠林愁血滴花春艷死  
月明飄浪冷光沈凝成紫塞風前淚驚破紅樓夢裏心  
腸斷楚詞歸不得劍門迢遞蜀江深

鄭絲

失白鷹

白錦文章亂丹霄羽翮齊雲中呼暫下雪裏放還迷梁  
苑驚池驚陳倉拂野鷄不知寥廓外何處獨依棲

濮陽瑾

出籠鵑

玉鏤分花袖金鈴出彩籠遙心長捧日逸翰鎮生風一  
點青霄裏千聲碧落中星眸隨狡兔霜爪落飛鴻每念  
提携力常懷搏擊功以君能惠好不敢沒遙空



崔珏

和友人鴛鴦之什

翠鬣紅毛舞落暉  
水禽情似此禽稀  
暫分煙島猶迴首  
抵過寒塘亦竝飛  
映霧乍迷金殿瓦  
逐梭齊上玉人機  
採蓮無限蘭橈女  
笑指中流羨爾歸

李體仁

飛鴻響遠音

漠漠微霜夕  
翩翩出渚鴻  
清聲流迥野  
高韻入寥空  
舊

質經寒塞殘音響遠風縈雲猶類網避月尚疑弓弱羽  
雖能振丹霄竟未通欲知多怨思聽取暮煙中

張何

織鳥

季春三月裏戴勝下桑來映日華冠動迎風繡羽開候  
驚蠶事晚織向女工裁旅宿依花定輕飛遶樹迴欲過  
高閣柳更拂小庭梅所寄一枝在寧憂弋者猜

崔護

賦得山鷄舞石鏡

爐峰開石鏡人說舞山鷄物象纖無隱禽情目自迷景  
當煙霧歎心喜錦翎齊宛轉烏呈彩娑娑鳳欲栖何言  
資羽族在地得天倪應笑韓名者終朝飲敗醯

劉元淑

賦鷄鳴篇

自從離別守空閨遙望征戰赴雲梯夜夜相思遼海北  
年年拋妾渭橋西陽春白日照空暖紫燕紅花向庭滿

彩鸞琴裏怨聲多飛鵲鏡前粧梳斷誰家夫婿久從征  
應是漁陽別有情莫道紅顏燕地少家家還似洛陽城  
且逐新人殊未歸還令秋至夜霜飛北斗星前橫旅雁  
南樓月下擣寒衣更深聞雁腸欲絕獨處挑燈燈復滅  
暗啼羅帳空自憐夢度陽關向誰說每矜容貌宛如神  
何其薄命不如人待君朝夕燕山至好作明年楊柳春

李廓

鷄鳴曲

星稀月没入五更膠角角鷄初鳴征夫牽馬出門立  
辭妾欲向安西行再鳴引頸簷頭下樓中角聲催上馬  
纔分曙色第二鳴旌旆紅塵已出城婦人上城亂招手  
夫婿不聞遙哭聲長恨鷄鳴別時苦不遣鷄栖近窗戶

陳凝

詠馬

未明龍骨駿幸得到神州自有千金價寧忘伯樂酬雖  
知殊款段莫敢比驂騑若遇追風便當軒一舉頭

翁綬

白馬

渥洼龍種雪霜同毛骨天生膽氣雄  
金埒乍調光照地玉關初別遠嘶風  
花朝錦襜垂楊下露濕朱纓細草中  
一夜羽書催轉戰紫髯騎出佩驂弓

紀唐夫

驄馬

連錢出塞踏沙蓬  
宣比當時御史驄  
逐北自諳深磧路

連嘶誰念靜邊功  
登山每與青雲合  
弄影應知碧草同  
今日虜平將換妾  
不如羅袖舞春風

白行簡

歸馬華山

牧野功成後  
周王戰馬閒  
驅馳休伏阜  
飲齕任依山  
逐日朝仍去  
隨風暮自還  
水生疑隴坂  
葉落似榆關  
蹀躞僊峰下  
騰驤渭水灣  
幸逢時偃武  
不復鼓鞶間

周存

西戎獻馬

天馬從東道皇威被遠戎來驟八駿列不假貳師功影  
別流沙路嘶聞上苑風望雲時蹀足向月每爭雄稟異  
才難狀標奇志豈同驅馳如見許千里一朝通

顧偉

雪後聽猿吟

寒巖飛暮雪絕壁夜猿吟歷歷和羣雁寥寥思客心繞  
枝猶避箭過嶺却投林風冷聲偏苦山寒響更深聽時



無有定靜裏固難尋一宿扶桑月聊看懷好音

薛少殷

臨川羨魚

曾是歸家客今年且未旋遊鱗方有待織網豈能捐  
向水煙波夕吟風歲月遷莓苔生古岼葭莢變清川不  
逐滄浪叟還宗內外篇良辰難自擲此日願忘筌

沈鵬

寒蟬樹

一葉初飛日寒蟬益易驚入林慙纖細依樹媿身輕大  
幹時容息喬枝或借鳴心由餘露淨響爲逐風清忝有  
翩翾分應憐嘒唳聲不知微薄影早晚掛綏纓

劉言史

放螢怨

放螢去不須畱聚時年少今白頭架中科斗萬餘卷一  
字千回重照見青雲杪不可親開囊欲放增餘怨且  
逍遙還醕酎仲舒漫不窺園井那將寂寞老病身更就

微蟲借光影欲放時淚沾裳去衝籬落千點光

韋楚老

江上蚊子

飄搖挾翅亞紅腹江邊夜起如雷哭請問貪婪一點心  
臭腐填腸幾多足越女如花住江曲嫦娥夜夜凝雙睞  
憑君撩亂錦窗中十軸輕綃圍夜玉

曹冠卿

桂樹藤

本爲獨立難寄彼高樹枝蔓行數條遠溟濛千朵垂向日助成陰當風藉持危誰言柔可屈坐見蟠蛟螭

陳翊

賦得龍池春草

青春光鳳苑細草徧龍池曲渚交蘋葉迴塘惹柳枝因風初冉冉覆岵欲離離色帶金堤靜陰連玉樹移日光浮霍靡波影動參差豈比生幽遠芳馨衆不知

崔魯

岸上梅

含情含怨一枝枝斜壓漁家短短籬  
惹袖尚餘香半日向人如訴雨多時  
初開偏稱雕梁畫未落先愁玉笛吹  
行客見來無去意解帆煙浦爲題詩

羅引信

柳

粧點青春更有誰青春常許占先知  
亞夫營畔風輕處元亮門前日暖遲  
花密宛如飄六出葉繁何惜妬雙眉

交情別緒論多少  
好向行人贈一枝

韓喜

柳

雪盡青門弄影微  
暖風遲日早鶯歸  
如憑細葉留春色  
須把長條繫落暉  
彭澤有情還鬱鬱  
隋堤無主自依依  
世間惹恨偏饒此  
可是行人折贈稀

賈稜

御溝新柳

御苑陽和早章溝柳色新託根偏近日布葉乍迎春秀  
質方含翠清陰欲庇人輕雲度斜景多露委行塵裊裊  
堪離贈依依獨望頻王孫如可賞攀折在芳晨

顧雲

新柳

帶露含煙處處垂綻黃搖綠嫩參差長堤未見風飄絮  
廣陌初憐日映絲斜倚畫筵偷舞態低臨粧閣學愁眉  
離亭不放到春暮折盡拂簷千萬枝

楊系

小苑春望宮池柳色

勝遊從小苑宮柳望春晴拂地青絲嫩  
縈風綠帶輕光含煙色遠影透水文清  
玉笛吟何得金閨畫豈成皇風吹欲斷  
聖日映逾明願駐高枝上還同出谷鶯

崔績

前題

帝京春氣早御柳已先榮嫩葉隨風散  
浮光向日明悠



揚生別意斷續引芳聲積翠連馳道飄花出禁城柔條  
依水弱遠色帶煙輕南望龍池畔斜光照晚晴

歐陽瑾

折楊柳

垂柳拂粧臺歲蕤葉半開年華枝上見邊思曲中來嫩  
色宜新雨輕花伴落梅朝朝倦攀折征戍幾時回

崔涯

竹

領得溪風不放迴，  
倚窗緣砌遍庭栽。  
行招野客爲鄰住，  
看引山禽入郭來。  
幽院獨驚秋氣早，  
小門深向綠陰開。  
誰憐翠色兼寒影，  
靜落茶甌與酒盃。

陸肱

松

霜雪知勁質，  
今古占嘉名。  
斷砌盤根遠，  
疎林偃蓋清。  
鶴棲何代色，  
僧老四時聲。  
鬱鬱心彌久，  
煙高萬井生。

韓喜

詠松

倚空高檻冷無塵往事閒徵夢欲分翠色本宜霜後見  
寒聲偏向月中聞啼猿想帶蒼山雨歸鶴遙知紫府雲  
莫向東園競桃李春光還是不容君

石倉歷代詩選卷一百二十一

欽定四庫全書

石倉歷代詩選卷一百二十二

明 曹學佺 編

晚唐拾遺九

郭受

寄杜甫

新詩海內流傳久舊德朝中屬望勞  
郡邑地卑饒霧雨江湖天濶足風濤  
松花酒熟傷看醉蓮葉舟輕自學操

春興不知凡幾首衡陽紙價頓能高

鄔載

留別

策名十二載獨我厄斯文爾來及門者半已昇青雲青  
雲豈無姿黃鶴素不羣一辭芸香吏幾歲滄江瀆散職  
既不羈天聰亦昭聞雖承急賢詔未詣陶唐君和風媚  
東郊具物滋南薰蕙草正可摘豫章猶未分宗師忽千  
里使我心氛氲

滕倪

留別宗人太守郎中邁

秋初江上別旌旗故國無家淚欲垂  
千里未知投足處前程便是聽猿時  
誤攻文字身空老却返漁樵計已遲  
羽翼凋零飛不得丹霄無路接差池

馮宿

尹河南酬別樂天夢得

共稱洛邑難其選何幸天書用不才  
遙約和風新草木

且令新雪靜塵埃  
臨岐有愧傾三省  
別酌無辭醉百杯  
明歲杏園花下集  
須知春色自東來

李穀

浙東罷府西歸道  
經吳中廣文張博士  
皮先輩  
陸秀才皆以雅篇相送  
不量荒詞亦用酬別  
豈有頤風筆下痊  
浪成蠻語向初筵  
蘭亭舊址雖曾見  
柯笛遺音更不傳  
照耀文星吳分野  
留連花月晉名賢  
相逢只恨相知晚  
一曲驪歌又幾年

舒元興

橋山懷古

軒轅厭代千萬秋，淥波浩蕩東南流。  
今來古往無不死，獨有天地長悠悠。  
我乘驛騎到中部，古聞此地為渠搜。  
橋山突兀在其左，荒榛交鎖寒風愁。  
神仙天下亦如此，況我感役同蜉蝣。  
誰言衣冠葬其下，不見弓劍何人收。  
哀喧叫笑牧童戲，陰天月落狐狸遊。  
遐思皇墳立人極，車輪馬跡無不周。  
洞庭張樂降玄鶴，涿鹿大戰摧蚩尤。



智勇神天不自大  
風后力牧輸長壽  
襄城迷路問童子  
帝鄉歸去無人留  
崆峒求道失遺跡  
荆山鑄鼎餘荒丘  
君不見黃龍飛去  
山下路斷髣成草  
風颭颭

張洪靖

山亭懷古

叢石依古城  
流泉灑清池  
高低裛丈內  
林木相蔽虧  
歸田竟何者  
為羣豈所宜  
誰知辨大野  
寄適聊在斯

韓察

山亭懷古

公府政多暇思與仁智全  
爲山想嵒穴引水聽潺湲  
軒冕迹自逸塵俗無由牽  
蒼生方瞻望詎得賦歸田

崔公信

和前題

疊石狀嵯巖翠舍城上樓前移廬  
霍峰遠帶沅湘流瀟灑主人靜  
黃綠芳徑幽清輝在昏旦豈異東山遊

陸渢

和前題

漱水瀉飛瀑寄懷良在茲如何謝安石要結東山期  
入座蘭蕙馥當軒松桂滋于然悟幽道境寂心自怡

胡証

和前題

飛泉天台狀峭石蓬萊姿潺湲與翠巘咫尺當幽奇  
居然盡精道得以書妍詞豈無他山勝懿此清軒墀

高銖

和前題

鬪石類巖嶽飛流瀉潺湲遠壑簷宇際孤巒雉堞間何  
必到海嶽境幽機自閒茲焉得高趣高步謝東山

張賈

和前題

中庭起崖谷漱玉下連漪丹丘誰云遠寓象寫心期豈  
不貴鐘鼎至懷在希夷惟當蓬萊閣靈鳳佇來儀

朱延

再登河陽城懷古

客遊倦旅思，憇駕陟崇墉。  
元凱標奇跡，安仁擅美蹤。  
遠涉濁河溜，出沒青山峰。  
佇想空不極，懷古悵無從。

陳上美

咸陽懷古

山連河水碧，氛氲瑞氣東。  
移擁聖君秦，苑有花空笑日。  
漢陵無主自侵雲，古槐堤上鶯千囀。  
遠渚沙中鷺一羣。  
賴與淵明同把菊，煙郊四望夕陽曛。

楊乘

吳中書事

十萬人家天塹東  
管絃臺榭滿春風  
名歸范蠡五湖上  
國破西施一笑中  
香逕自生蘭葉小  
響廊深映月華空  
樽前多暇但懷古  
盡日愁吟誰與同

陳通方

金谷園懷古

緩步洛城下  
軫懷金谷園  
昔人隨水逝  
舊樹逐春還  
冉冉

冉搖風弱菲菲裛露翻歌臺宜易見舞袖乍如存戲蝶  
香中起流螢暗處喧徒聞施錦帳此地擁行軒

侯冽

前題

金谷千年後春花發滿園紅芳徒笑日穠艷尚迎軒雨  
濕輕光軟風搖翠影翻猶疑施錦帳堪歎罷朱紉愁態  
鶯吟澀啼容露綴繁殷勤問前事桃李竟無言

徐振

雷塘

九重城闕悲涼盡一聚園林怨恨長  
花憶所爲猶自笑  
草知無道更應荒  
詩名占得風流在  
酒興催教運祚亡  
若問皇天惆悵事  
只因斜日照雷塘

劉郇伯

早行

鐘靜人初寢  
天高月自涼  
一星深戍火  
殘月半橋霜  
客老愁塵下  
蟬寒泣樹傍  
青山依舊色  
宛是馬卿鄉



王觀

前題

鷄唱催人起又生前去愁路明殘月在山露宿雲收村  
店煙火動漁家燈燭幽趙名與趙利行役幾時休

劉昭禹

經費冠卿舊隱

節高終不起死戀九華山聖主情何切孤雲性本閒名  
傳中國外墳在亂松間依約曾棲處斜陽鳥自還

郭良驥

自蘇州至望亭驛有作

南浦菰蒲遠白蘋東吳黎庶逐黃巾  
野棠自發空流水江燕初歸不見人  
遠岫依依如送客平田渺渺獨傷春  
淮中廻首長洲苑烽火年年報虜塵

張賁

旅泊吳門呈一二同志

一舸吳江晚堪憂病廣文鱸魚誰與伴  
鷗鳥自成羣反

照縱橫水斜空斷續雲異鄉無限思盡付酒醺醺

有吳門旅泊之什多垂見和更作一章以伸酬謝  
偶發陶匏響皆蒙組繡文清秋將落帽子夏正離羣有  
恨書燕雁無聊賦郢雲偏看心自醉不是酒能醺

麴信陵

移居洞庭

重林將疊嶂此處可逃秦水隔人間世花開洞裏春荷  
鋤分地利縱酒樂天真萬事更何有吾今已外身

梁陟

送孫舍人歸相州

盛才傾世重清論滿朝歸作隼他年計爲駕此地飛  
比肩移日近抗首出郊畿爲報清漳水分明照錦衣

陳存

送劉秀才南歸

烏啼楊柳垂此別千萬里古路入商山春風生灞水停  
車落日在罷酒離人起蓬戶寄龍沙送歸情詎已

崔膺

感興

富貴難義合困窮易感恩  
古來忠烈士多出貧賤門  
世上桃李樹但結繁華子  
白屋抱關人青雲壯心死  
本以勢利交勢盡交情已  
如何失情後始歎門易軌

沈徽

古興

蔓草自細微女蘿始天天  
黃緣至百尺榮耀非一朝  
惠

色高碧嶺流芳薄丹霄如何推秀木正爲餘波漂莖葉  
落巖跡英蕤從風颭洪柯不足恃况乃記陵苔

又

長安富豪右信是天下樞戚里笙歌發禁門冠蓋趨攀  
雲無醜士唾地盡明珠日晏下雙闕煙花亂九衢恩榮  
在片言零落亦須臾何意還自及曲池今已蕪

孫郤

古意

屈子生楚國七雄枉其才介潔世不容跡合藏蒿萊道  
廢固命也瓢飲亦賢哉何事葬江南空使後人哀

又

魏禮段干木秦王乃止戈小國有其人大國奈之何賢  
哲信爲美兵甲豈云多君子戰必勝斯言聞孟軻

荆冬倩

咏青

路闢天光遠春還月道臨草濃河畔色槐結路邊陰未

映君王史先標胄子襟經明如可拾自有致雲心

李敬方

遣興

果窺丹竈鶴莫羨白頭翁日月仙壺外筋骸藥臼中雲  
歸無定所鳥跡不留空何必勞方寸嶮崎問遠公

呂讓

和入京

俘囚經萬里憔悴度三春髮改河陽髻衣餘京洛塵鍾



儀悲去楚隨會泣畱秦既謝平吳利終成失路人

崔璞

蒙恩除替將還京洛偶叙所懷因成六韻呈軍

事院諸公郡中一二秀才

兩載求人瘼三春受代歸務繁多簿籍才短乏恩威共  
理乖天獎分憂值歲飢遽蒙交郡印安敢整朝衣作牧  
慙爲政思鄉念式微倘容還故里高卧掩柴扉

李明遠

送韋觀謫潘州司馬

北鳥飛不到南人誰去遊  
天涯浮瘴水嶺外向潘州  
草木春秋暮猿猱日夜愁  
定知遷客淚應只對君流

劉太真

顧十二左遷過韋蘇州房杭州韋睦州三使君

有燕集詩因亦成篇

寵至乃不驚罪得非無由  
奔迸歷畏途緬邈赴偏陋  
牧此彫弊毗屬當賦歛秋  
夙興諒無補旬暇焉敢休  
前日

懷友生獨登城上樓迢迢西北望遠思不可收今日車  
騎來曠然銷人憂晨迎東齋飯晚度南溪遊以我碧流  
水泊君青翰舟莫將遷客程不爲勝景留飛札謝三守  
斯篇希見酬

苗發

送孫德諭罷官往黔州

中歲分符典石城兩朝趨陛謁承明闕下昨陳歸老疏  
天南今切去鄉情親知握手三秋別几杖扶身萬里行

伯道暮年無嗣子欲將家事託門生

顏萱

過張祐處士丹陽故居

并序

萱與故張處士祐世家通舊尚憶孩稚之歲  
與伯氏嘗承處士撫抱之仁目管輅為神童  
期孔融于偉器光陰徂謝二紀于茲適經其  
故居已易他主訪遺孤之所止則距故居之  
右二十餘步荆榛之下華門啓焉處士有四

男一女男曰椿兒桂兒椅兒杞兒問之三已物  
故惟杞為遺孕與其女尚存欲揖杞與言則又  
求食于汝墳矣但有霜鬢而黃冠者杖策迎門  
乃昔時愛姬崔氏也與之話舊歷然可聽嗟乎  
葛披練裘兼非所有琴書圖籍盡屬他人又云  
橫塘之西有故田數百畝力既貧窶十年不耕  
惟歲賦萬錢求免無所嗚呼昔為穆生設醴鄭  
公立鄉者復何人哉因成五十六字以聞好事

者

憶昔爲兒逐我兄，冒拋竹馬拜先生。  
書齋已換當時主，詩壁空題故友名。  
豈是爭權畱怨敵，可憐當路盡公卿。  
柴扉草屋無人問，猶向荒田責地征。

劉斌

和許給事傷牛尚書弘

名臣不出世，百工之所求。  
況乃非常器，遭逢與運秋。  
符彩昭千里，銓衡綜九流。  
經綸資博物，樽俎寄皇猷。  
韶濩

傾復理典禮素還脩雖貞棟梁任兼好藝文遊佇間知  
鼎實行當奉介丘高衢翻稅駕閱水遽遷舟傳呼更何  
日曳履聞無由歸魂藐修路征棹艤邗溝林薄長風慘  
江上寒雲愁夜臺終不曙遺芳徒自留

賈馳

會昌間陸貞洞王滌筆題三鄉詩馳因留贈

壁古字未滅聲長響不絕蕙質本如雲松心應耐雪耿  
耿離幽谷悠悠望甌越杞婦哭夫時城崩無此說

孫榮

贈妓人

綵翠鮮衣紅玉膚  
輕盈年在破瓜初  
霞杯醉喚劉郎賭  
雲髻慵邀阿母梳  
不怕寒侵緣帶寶  
每憂風舉倩持裾  
謾圖西子爲粧樣  
西子元來未得如

邵士彥

秋閨

斜日空庭暮幽閨  
積恨盈細風吹帳  
冷微月度窗明怨



坐啼相續愁眠夢不成調琴欲有弄畏作斷腸聲

沈祖光

前題

白馬三軍客青娥十載思玉庭霜落夜羅幌月明時爐  
冷蜘蛛喜燈寒熠燿期愁多不可曙流涕坐空幃

梁獻

昭君怨

圖畫失天真容華坐誤人君恩不可再妾命在和親淚點

關山月夜銷邊塞塵一聞陽鳥至思絕漢宮春

李昭象

赴舉出山留寄山居鄭叅軍

還如費冠卿向此振高名肯羨魚鬚美長誇鶴氅輕  
理琴寒指倦試藥黑髭生時泰難雲卧隨看急詔行

朱可名

應舉日寄兄弟

廢刈鏡湖田上書紫閣前愁人久委地詩道未聞天不

是燒金手徒拋釣月船多慙兄弟意不敢問林泉

孫定

走筆寄人

行行血淚灑塵襟事逐東流渭水深秋跨塞驢風尚緊  
靜投孤店日初沈一枝猶挂東堂夢千里空馳北巷心  
明月悲歌又前去滿城煙樹噪春禽

鄭巢

贈蠻僧

南海何年過中林一磬微病逢秋雨發心逐暮潮歸久  
卧前山寺猶縫故國衣近來慵步履苔蘚滿柴扉

顏萱

送圓載上人

師來一世恣經行却泛滄波問去程心靜已能防渴鹿  
華喧時爲駭長鯨禪林幾結金桃重梵室重修鐵瓦輕  
料得還鄉無別利只應先見日華生

楊卹伯

送妓人出家

盡出花鈿與四鄰雲鬟剪落厭殘春  
暫驚風燭難留世便是蓮花不染身  
貝葉欲翻迷錦字梵聲初學悞梁塵  
從今艷色歸空後湘浦應無解佩人

范傳正

謝真人僊駕過舊山

麾蓋從仙府笙歌入舊山水流丹竈  
缺風起草堂闕白鹿行爲衛青鸞  
舞自閒種松鱗未老移石蘚仍斑  
望路

煙霄外迴輿嶺岫間豈惟遼海鶴空歎令威還

夏方慶

前題

何年成道士綽約化童顏天上尋真侶人間憶舊山  
桑田今已變蘿蔓尚堪攀雲覆瑤壇淨苔生丹竈閒  
逍遙看白石寂寞閑玄關應是悲塵累思將羽駕還

李程

贈毛仙翁

茫茫塵累愧腥膻強把蜉蝣望列仙閒指紫霄峰下路  
却歸白鹿洞中天吹簫鳳去經何代茹玉方傳得幾年  
他日更來人世看又應東海變桑田

楊嗣復

和前題

天上玉郎騎白鶴肘後金壺盛妙藥暫遊下界傲五侯  
重看當時舊城郭羽衣背背輕似雪雲中雙童持絳節  
王母親縫紫錦囊獨向懷中藏秘訣令威子晉皆傳侶

東嶽同尋太真女搜奇綴韻和陽春文章不是人間語  
藥成自固黃金骨天地齊分身不歿日月宮中便是家  
下視崑崙何突兀童姿玉貌誰方比玄髮綠髯光瀾瀾  
滿朝將相門弟子隨師盡願拋塵滓九轉琅玕必有餘  
願乞刀圭救生死

沈傳師

和前題

安期何事出雲煙爲把仙方與世傳只向人間稱百歲



金史四庫全書  
卷一百二十二  
誰知洞裏過千年青牛到日迎方朔丹竈開時共稚川  
更說桃源更深處異花長占四時天

柳公綽

和前題

桃源千里遠花洞四時春中有含真客長爲不死人松  
高枝葉茂鶴老羽毛新莫遣同籬種朝榮暮化塵

張賁

和傷顧道士

鳳麟膠盡夜如何共歎先生劍解多幾度弔來惟白鶴  
此時乘去必青驪圖中含景隨殘照琴裏流泉寄逝波  
悵望真靈又空返玉書誰授紫微歌

酬襲美先輩見寄倒來韻

尋疑天意喪斯文故選茅峰寄白雲酒後只留滄海客  
香前惟見紫陽君近年已絕詩書癖今日兼將筆硯焚  
爲有此身猶苦患不知何者是玄纁

殷堯恭

府試中元觀道流步虛

玄都開秘籙白石禮先生上界秋光靜中元夜景清星  
辰朝帝處鸞鶴步虛聲玉洞花長發珠宮月最明掃壇  
天地肅投簡鬼神驚倘賜刀圭藥還成不死名

僧中寤

儀鳳中青城翠圍山下有王仙柯得道以詩贈  
之

瞻思不及望仙兄早晚昇霞入太清手種一株松未老

爐燒九轉藥新成  
心中已得黃庭術  
頭上應無白髮生  
異日却歸華表柱  
得教凡俗竝聞名

郭汭

同崔員外溫泉官郎事

輦輅辭雙闕  
宸遊整六師  
天迴紫微座  
日轉羽林旗  
霜氣寒戈戟  
軍容壯武貔  
弓鳴射燕處  
泉暖躍龍時  
惠化成觀俗  
謳謠入武詩  
同歡王道盛  
相與詠雍熙

于興宗

夏杪登越王樓臨涪江望雪山寄朝中知友

巴西西北樓堪望亦堪愁  
山亂江迴遠川清樹欲秋  
晴明中雪嶺煙靄下漁舟  
寫寄朝天客知予恨獨遊

王鐸

和前題

謝朓題詩處危樓壓郡城  
雨餘江水碧雲斷雪山明  
錦繡來仙境風光入帝京  
恨無青玉案何以報高情

田章

和于中丞見寄

志乖多感物臨眺更增愁暑候雖云夏江聲已似秋雪  
遙難辨木村近好維舟莫恨歸朝晚朝簪擬勝遊

盧侑

和前題

圖畫越王樓開緘慰別愁山光涵雪冷水色帶江秋雲  
鳥孤征雁煙帆一葉舟嚮風舒霽景如伴謝公遊

牛徵

登越王樓即事

危樓送遠目信美奈鄉情轉岼孤舟疾銜山落照明蕭  
條看草色惆悵認江聲詎會登臨恨從君白髮生

劉駢

題越王樓寄獻中丞使君

朱軒迴壓碧煙州晉歲賢王是勝遊山簇劍峰朝闕遠  
水如巴字遶城流人間物象分千里天上笙歌醉五侯  
今日登臨無限意同霑惠化自消愁

楊宰

奉酬于中丞見寄之什

劍外書來日驚忙自拆封丹青得山水強健慰心胸事  
少勝諸郡江迴見幾重寧悲久作別且似一相逢詩合  
焚香詠愁應賴酒濃庾樓寒暑憶腸斷雪千峰

李汶儒

和綿州于中丞

珍重巴西守殷勤寄遠情劍峰當戶碧詩韻瀉樓清日



照涪川潤煙籠雪嶠明  
微黃看即及莫歎滯江城

王巖

和子中丞

雉堞臨朱檻登茲便散愁  
蟬聲怨炎夏山色報新秋  
江轉穿雲樹心閒隨葉舟  
仲宣徒有歎謝守幾追遊

石倉歷代詩選卷一百二十二

欽定四庫全書

集部

石倉歷代詩選卷一百二十三

詳校官庶吉士臣范逢恩

侍讀臣孫球覆勘

總校官進士臣朱 鈐

校對官中書臣葉 蘭

謄錄監生臣李師弼

欽定四庫全書

石倉歷代詩選卷一百二十三

明 曹學佺 編

晚唐拾遺十

韋處厚

盛山詩

初映鈎如線  
終銜鏡似鈎  
遠澄秋水色  
高倚曉河流

右隱月岫

激竹縈飛箭浮溝泛滿卮將來山太守早向習家池

右流杯渠

噴日舒紅景通蹊茂綠陰終期王母摘不羨武陵深

右桃塢

疏鑿徒爲巧圓窪自可澄倒花紛錯秀鑑月靜涵冰

右胡蘆沼

褊地難層土因厓遂削成淺深嵐嶂色盡向此中呈

右琵琶臺

李驥

天長路別朱大

驛騎難隨伴尋山半憶君蒼崖殘月路猶數過溪雲

酬朱門

十夜郡城宿苦吟身未閒那堪西郭別雪路問看山

楊凌

送客往睦州

水濶盡天南孤舟去渺然驚秋路傍客日暮數聲蟬

送客之蜀

西蜀三千里巴南水一方曉猿天際斷夜月峽中長

柳中庸

江行

繁陰乍隱洲落葉初飛浦蕭蕭楚客帆暮入寒江雨

張起

春情

畫閣餘寒在新年舊燕歸梅花猶帶雪未得試春衣

胡幽貞

題西施浣紗石

一朝入紫宮萬古遺芳塵至今溪邊花不敢嬌青春

呂羣

題僧院

路行三蜀盡身及一陽生賴有殘燈火相依坐到明

王軒

題西施石

嶺上千峰秀江邊細柳春  
今逢浣紗石不見浣紗人

徐希仁

招玉川子詠新文

清氣宿我心結爲清泠音  
一夜吟不足君來相和吟

鞠信陵

長安道

朱門映綠楊雙闕抵通莊  
玉佩聲逾遠紅塵猶自香

文宗



宮中題

輦路生春草上林花發時  
憑高何限意無復侍臣知

段成式

哭李羣玉

曾話黃陵事今爲白日催  
老無兒女累誰哭到泉臺

任蕃

惜花

無語與花別總憐枝上紅  
明年又相見還恐是愁中

崔道融

春歸二首

寒食月明雨落花香滿  
泥佳人持錦字無雁寄征西  
欲剪宜春字春寒入剪刀  
遼陽在何處莫忘寄征袍

崔櫓

述懷

白首成何事無歡可替悲  
空餘酒中興猶似少年時

武璣

感事

花開蝶滿枝花謝蝶還稀惟有舊巢燕主人貧亦歸

孟遲

壯士吟

壯士何曾悲悲即無回期如何易水上未歌淚先垂

高駢

筇竹杖寄僧

堅輕筇竹杖一枝有九節寄與沃州人閒步秋山月

送春

無語共春別傷心枝上紅來年又相見還恐是愁中

張儼

謁先主廟

雄名垂竹帛荒陵壓阡陌終古更何聞悲風入松栢

薛瑩

錦

軋軋弄寒機功多力漸微惟憂機上錦不稱舞人衣

前山

只謂一蒼翠不知猶數重晚來雲映處更見兩三峰

發交州日留題解鍊師房

久喜房廊接今成道路賒明朝回首處此地是天涯

裴夷直

揚州寄諸子

千里隔煙波孤舟宿何處遙思耿不眠淮南夜風雨

朱景玄

望蓮臺

秋臺好登望  
菡萏發清池  
半似紅顏醉  
凌波欲暮時

潘佐

送人往宣城

江畔送行人  
千山生暮氛  
謝安團扇上  
爲畫敬亭雲

竇裕

洋州館亭吟

家依楚水岼  
身寄洋州館  
望月獨相思  
塵襟淚痕滿

朱光弼

銅雀妓

魏王銅雀妓日暮管絃清一見西陵樹心悲舞不成

宮詞

夢裏君王近宮中河漢高秋風能再熱團扇不辭勞

王玄

聽琴

拂塵開按匣何事獨顰眉古調聲不樂正聲君自知

任生

題升山

城外升山寺城中望宛然及登無半日欲到已經年

成文幹

江上楓

江楓自翳鬱不競松筠力一葉落漁家斜陽帶秋色

夜夜曲

自從君去夜錦幌孤蘭麝歌枕對銀缸秦箏綠窗下



左偃

言懷別同志

漸老將誰託勞生每自慚何當重攜手風雨滿江南

送君去

關河月未曉行子心已急佳人無一言獨背殘燈泣

何仲言

苑中見美人

羅袖風前卷玉釵林中耀團扇承落花復持掩面笑

邊城思

柳黃未吐葉水綠半含苔  
春色邊城動客思故鄉來

爲人妾怨

機中刺繡所窗下朝粧處  
未憶神已傷欲忘悲不去

閨怨

閨閣行人斷房櫳月影斜  
誰能北窗下獨對後園花

郭翰

答織女

人世將天上由來不可期誰知一回顧更作兩相思  
贈枕猶香澤啼衣尚淚痕玉顏霄漢裏空有往來魂

陸暢

驚雪

怪得北風急前庭如月暉天人寧許巧剪水作花飛

聞早蟬

落日早蟬急客心間更愁一聲來枕上夢裏故園秋

丘丹

奉酬韋應物

露滴梧葉鳴風秋桂花發中有學仙侶吹簫弄山月

聽江笛送陸侍御

離梅間夜笛寥亮入寒城月落車馬散悽惻主人情

張碧

貧女

宣是昧容華豈不知機織自是生寒門良媒不相識

幽思

金爐燼霽微銀缸殘影滅出戶獨徘徊落花滿明月

蒼頭捧劍

偶題

青鳥銜葡萄飛上金井欄美人恐驚去不厭捲簾看

江南十二月節氣詩共韻聯和

鮑防

正月

江南孟春天荇葉大如錢白雪粧棗樹青袍似葑田

謝良輔

二月

江南仲春天  
細雨色如煙  
疎鳥武昌柳  
布作石門泉

嚴維

三月

江南季春天  
萼菜細如絃  
湖邊草作逕  
湖上葉如船

賈弇

四月

江南孟夏天  
慈竹笋如編  
蜃氣為樓閣  
蛙聲作管絃  
樊珣

五月

江南仲夏天  
時雨下如川  
盧橘垂金彈  
甘蕉吐白蓮

范燈

六月

江南季夏天  
身熱汗如泉  
蚊蚋成雷澤  
袈裟作水田

鄭綮

七月

江南孟秋天稻花白如氈素腕慚新藕殘粧妬晚蓮

沈仲昌

八月

江南仲秋天鱗鼻大如船雷是樟亭浪苔爲界石錢

劉蕃

九月

江南季秋天栗實大如拳楓葉紅霞舉蘆花白浪川



謝良輔

十月

江南孟冬天  
荻葦軟如綿  
綠絹芭蕉裂  
黃金橘柚懸

呂渭

十一月

江南仲冬天  
紫蔗節如鞭  
海將鹽作雪  
山用火耕田

丘丹

十二月

江南季冬天紅蟹大如鰕湖水龍為鏡爐峰氣作煙

張賁

送人西歸

孤雲獨鳥本無依江海重逢故舊稀楊柳漸疏蘆葦白  
可堪斜日送君歸

鄭璧

和襲美索友人酒

乘興閒來小謝家便裁詩句乞榴花邠原雖不無端醉

也要臨風從鹿車

嚴憚

惜花

春光冉冉歸何處更向花前把一盃  
盡日問花花不語  
爲誰零落爲誰開

孫光憲

竹枝詞

闔門風暖落花乾  
飛過江城雪不寒  
獨有晚來臨水驛

閒人多凭赤欄干

萬株枯槁怨亡隋似弔吳臺各自垂  
好是淮陰明月裏酒樓橫笛不勝吹

年曾

謁華州李相不遇

老夫三日門前立珠箔銀屏晝不開  
詩卷卻拋書袋裏匹如閒看華山來

高蟾

華清宮

何事金輿不再遊  
翠鬟丹臉豈勝愁  
重門深鎖禁鐘後  
月滿驪山宮樹秋

旅夕

風散古坡驚宿雁  
月臨荒戍起啼鷗  
不堪吟斷無人見  
時復寒燈落一花

春

明月斷魂青鵲鵲  
平蕪歸思綠迢迢  
人生莫遣顏如雪

縱得東風也不消

秋

陽羨溪聲冷駭人洞庭山翠晚凝神天將金玉爲風露  
曾予高秋幾度貧

灞陵亭

一條歸夢朱絃直一片離心白羽輕明日灞陵新霽後  
馬頭煙樹綠相迎

落花

一葉落時空下淚三春歸盡復何情無人共得東風語  
半日樽前計不成

下第後上高侍郎

天上碧桃和露種日邊紅杏倚雲栽芙蓉生在秋江上  
不向東風怨未開

司馬禮

宮怨

柳色參差掩畫樓曉鶯啼送滿宮愁年年花落無人見

金匱要略卷之二十三  
空逐春泉出御溝

秋日懷儲嗣宗

故人北遊久不回  
霜雁南度聲何哀  
相思聞雁更惆悵  
却向單于臺下來

夜聽李山人彈琴

瑤琴夜久絃秋清  
楚客一奏湘煙生  
曲終聲盡意不盡  
月照竹軒紅葉明

崔道融



長門怨

長門花泣一枝春，  
爭奈君恩別處新。  
錯把黃金買詞賦，  
相如自是薄情人。

寒食客中有懷

江上聞鶯禁火時，  
百花開盡柳依依。  
故園兄弟別來久，  
應到清明猶望歸。

郊居友人相訪

柴門深掩古城秋，  
背郭緣谿一徑幽。  
不有小園新竹色，

君家那肯暫淹留

鏡湖雪霽貽方干

天外曉嵐和雪望  
月中歸棹帶冰行  
相逢半醉吟詩苦  
應抵寒猿裊樹聲

高駢

步虛詞

青谿道士人不識  
上天下天竊一隻  
洞門深鎖碧窗寒  
滴露研朱點周易

山亭夏日

綠樹陰濃夏日長  
樓臺倒影入池塘  
水精簾動微風起  
滿架薔薇一院香

訪隱者不遇

落花流水認天台  
半醉閒吟獨自來  
惆悵仙翁何處去  
滿庭紅杏碧桃開

赴西川途經虢縣作

亞夫重過柳營門  
路指岷峨隔暮雲  
紅額少年遮道拜

殷勤認得舊將軍

錦城寫望

蜀江波影碧悠悠  
四望煙花匝郡樓  
不會人家多少錦  
春來盡挂樹梢頭

崔櫓

暮春對花

病香無力被風吹  
多在青苔少在枝  
馬上行人莫回首  
斷君腸是欲殘時

華清宮四首

銀河漾漾月暉暉  
樓殿星邊織女機  
橫玉叫雲清似水  
滿空霜逐一聲飛

障掩金鷄蓄禍機  
翠環西拂蜀雲飛  
珠簾一閉朝元閣  
不見人歸見燕歸

草遮回磴絕鳴鑾  
雲樹深深碧殿寒  
明月自來還自去  
更無人倚玉欄干

門橫金鎖悄無人  
落日秋風渭水濱  
紅蕖下山寒寂寂

濕雲如夢雨如塵

孟遲

廣陵城

紅遶高臺綠遶城  
城邊春草傍牆生  
隋家不向此中盡  
汴水應無東去聲

長信宮

君恩已盡欲何歸  
猶有殘香在舞衣  
自恨身輕不如燕  
春來還遶御簾飛

宮人斜

雲慘煙愁苑路斜  
路傍丘塚盡宮娃  
茂陵不是同歸處  
空寄香魂著野花

閨情

山上有山歸不得  
江湖暮雨鷓鴣飛  
蘼蕪亦是王孫草  
莫送春香入客衣

盧隱

長安親故

楚蘭不佩佩吳鉤帶酒城頭別舊遊年事已多筋力在  
試將弓箭到并州

吳仁璧

客路

人寰急景如波委客路浮雲似蓋輕回首故山天外碧  
十年無計卻歸耕

南徐題友人郊居

門前樵徑連江寺岸下漁磯繫海槎待到秋深好時節



與君長醉隱侯家

賈誼

扶持一疏滿遺編  
漢陛前頭正少年  
誰道恃才輕絳灌  
却將惆悵吊湘川

金錢花

淺絳濃香幾朵勻  
日鎔金鑄萬家新  
堪疑劉寵遺芳在  
不許山陰父老貧

秋日聽僧彈琴

金徽玉軫韻泠然言下浮生指下泉  
恰稱秋風西北起  
一時吹入碧湘煙

孫魴

柳枝詞

靈和風暖太昌春  
舞線搖絲向昔人  
何似曉來江雨後  
一行如畫隔遙津

彭澤初栽五樹時  
只應閒看一枝垂  
不知天意風流處  
要與佳人學畫眉

暖傍離亭靜拂橋入流穿檻綠陰搖不知落日誰相送  
魂斷千條與萬條

盧殷

奉和

烏臺上客紫髯公共捧天書靜鏡中桃葉不須歌白紵  
耶溪暮雨起樵風

趙璜

題七夕圖

帝子吹簫上翠微  
秋風一曲鳳凰歸  
明年七月重相見  
依舊高懸織女機

錢珣

蜀國偶題

忽憶明皇西幸時  
暗傷潛恨竟誰知  
佩蘭應語宮臣道  
莫向金盤進荔枝

未展芭蕉

冷燭無煙綠蠟乾  
芳心猶卷怯春寒  
一緘書札藏何事

會被東風暗折看

李拯

朝退望終南山

紫宸朝罷綴鴛鴦  
丹鳳樓前駐馬看  
惟有終南山色在  
晴明依舊滿長安

張泌

寄人

別夢依依到謝家  
小廊回合曲欄斜  
多情只有春庭月

猶爲離人照落花

裴澈

弔孟昭圖

一章何罪死何名  
投水惟君與屈平  
從此蜀江煙雨後  
杜鵑啼作兩般聲

楊鴻

晴望九華山

九華閒望簇青虛  
氣象羣峰盡不如  
惆悵南朝挂冠吏

無人解向北山居

沈彬

弔邊人

殺聲沈夜野風悲漢月高時望不歸白骨已枯沙上艸  
家人猶自寄寒衣

李昭象

寄尉遲侍御

我眠青嶂弄澄潭君戴貂蟬白玉簪應向謝公樓上望

九華山色在西南

朱景玄

宿新安村步

浙浙寒流漲淺沙  
月明空渚偏蘆花  
離人偶宿孤村下  
永夜間砧一兩家

唐求

題常樂寺

桂冷香聞十里間  
殿臺渾不似人寰  
日斜回首江頭望



一片閒雲落後山

巫山下

細霄宮盡舊城摧  
神女歸山更不來  
惟有楚江斜日裏  
至今猶自繞陽臺

滕潛

鳳歸雲二首

金井欄邊見羽儀  
梧桐枝上宿寒輝  
五陵公子憐文彩  
畫與佳人刺繡衣

飲啄蓬山最上頭和煙飛下禁城秋曾將弄玉歸雲去  
金翻斜開十二樓

紇千著

古僊詞

珠幡絳節曉霞中漢武清齋待少翁不向人間戀春色  
窈花自滿紫陽宮

李歸唐

失鷺鷥

惜養年來歲月深  
籠開不見意沈吟  
也知祇在秋江上  
明月蘆花何處尋

盧弼

和李秀才邊庭四時怨

春衣昨夜到榆關  
故國煙花想已殘  
少婦不知歸未得  
朝朝應上望夫山

盧龍塞外草初肥  
雁乳平蕪曉不飛  
鄉國近來音信斷  
至今猶自著寒衣

八月霜飛柳徧黃  
遶根吹斷雁南翔  
隴頭流水關山月  
泣上龍堆望故鄉

朔風吹雪透刀瘢  
飲馬長城窟更寒  
夜半火來知有敵  
一時齊保賀蘭山

吉師老

鴛鴦

江島濛濛煙靄微  
綠蕪深處刷毛衣  
渡頭驚起一隻去  
飛上文君舊錦機

裴瑤

閭閻城懷古

五湖春水接遙天  
國破君亡不記年  
惟有妖娥曾舞處  
古臺寂寞起愁煙

楊玠

長安舊居

四隣侵我我從伊  
畢竟須來未有時  
試上含元殿基望  
秋風秋草正離離

杜常

華清宮

行盡江南數十程  
曉風殘月入華清  
朝元閣上西風急  
都入長楊作雨聲

尤啓中

湘妃席上

常說仙家事不同  
偶陪花月此宵中  
錦屏銀燭皆堪恨  
惆悵紗窗向曉風

易偈

題袁州龍興寺

百尺古松下寺寶幡珠蓋盡珊珊  
閒庭甘露幾回落  
青石綠苔猶未乾

成文幹

煎茶

嶽寺春深睡起時  
虎跑泉畔思遲遲  
蜀茶倩箇雲僧碾  
自拾孤松三四枝

松

大夫名價古今聞  
盤屈孤貞更出羣  
將謂嶺頭間得了  
夕陽猶挂數枝雲

新燕

纔離海島宿江濱  
應夢笙歌作近隣  
咸省雕梁並頭語  
畫堂中有未歸人

遊紫陽宮

古殿煙霞簇畫屏  
直疑蹤跡到蓬瀛  
碧桃滿地眠花鹿



深院松窗擣藥聲

滕白

題汶川村居

種茶巖接紅霞塢  
灌稻泉生白石根  
皤腹老翁眉似雪  
海棠花下戲兒孫

李九齡

登昭福寺樓

旅懷秋興正無涯  
獨倚危樓四望賒  
賒谷變陵遷何處問

欽定四庫全書

滿川空有舊煙霞

山中寄友人

亂雲堆裏結茆廬已與紅塵跡漸疎  
莫問野人生計少窗前流水枕邊書

周濟

逢隣女

日高隣女笑相逢  
漫束羅裙半露胸  
莫向秋池照綠水  
參差羞殺白芙蓉

左偃

寄鑒上人

一從携手阻戈鋌屈指如今已十年長記二林同宿夜  
竹齋聽雨靜忘眠

江上晚泊

寒雲淡淡天無際片帆落處沙鷗起水濶風高日復斜  
扁舟獨宿蘆花裏

送人

一莖兩莖華髮生千枝萬枝梨花白春色江南獨未歸  
今朝入送還鄉客

盧士衡

僧房聽雨

古寺松軒雨聲別寒窗聽久詩魔發記得前年在赤城  
石樓夢覺三更雪

潘咸

舟行

平沙極浦無人度，猶繫孤舟寒草西。  
半夜起看湖上月，萬山中有一猿啼。

徐凝

漢宮曲

水色簾前流玉霜，趙家飛燕侍昭陽。  
掌中舞罷簫聲絕，三十六宮秋夜長。

八月望夕雨

今年八月十五夜，寒雨瀟瀟不可聞。  
如練如霜在何處？

吳山越水萬重雲

嘉興寒食

嘉興郭裏逢寒食落日家家拜掃回惟有縣前蘇小小  
無人送與紙錢來

寄白司馬

三條九陌花時節萬戶千車看牡丹爭遣江州白司馬  
五年風景憶長安

寄海嶠丈人

萬大只愁滄海淺一身誰測歲年遙  
自言來此雲邊住  
曾看秦王樹石橋

七夕

一道鵲橋橫渺渺千聲玉佩過  
玲瓏別離還有經年客  
悵望不如河鼓星

讀遠書

兩轉三回讀遠書畫簷愁見燕歸初  
百花時節教人懶  
雲髻朝來不欲梳

荆巫夢思

楚水白波風嫋嫋  
荆門暮色雨瀟瀟  
相思合眼夢何處  
十二峰高巴字遙

浙東故孟尚書種柳

孟家種柳東城去  
臨水逶迤思故人  
不似當時大司馬  
重來得見漢南春

過馬當

風波隱隱石蒼蒼  
送客靈鴉拂去檣  
三月盡頭雲葉秀



小姑新著好衣裳

洛城秋砧

三川水上秋砧發  
五鳳樓前明月新  
誰為秋砧明月夜  
洛陽城裏更愁人

憶紫溪

長憶紫溪春欲盡  
千巖交映水回斜  
巖空水滿溪自紫  
水態更籠南燭花

語兒見新月

幾處天邊見新月經過草市憶西施娟娟水宿初三夜  
曾伴愁蛾到語兒

馬逢

宮詞二首

金吾持戟護軒簷天樂傳教萬姓瞻樓上美人相倚看  
紅粧透出水晶簾

玉樓天半起笙歌風送宮人笑語和月影殿開聞曉漏  
水精簾捲近秋河

韋永

和若邪女子題三鄉驛

來時歡笑去時哀  
家國迢迢向越臺  
待寫百年幽思盡  
故官流水莫相催

王涯

秋夜曲二首

丁丁漏水夜何長  
漫漫輕雲露月光  
秋逼暗蟲通夕響  
寒衣未寄莫飛霜

桂魄初生秋露微  
輕羅已薄未更衣  
銀箏夜久殷勤弄  
心怯空房不忍歸

宮詞

春來新插翠雲釵  
尚著雲頭踏殿鞋  
欲得君王回一顧  
爭扶玉輦下金階

五更初起覺風寒  
香炷燒來夜已殘  
欲捲珠簾驚雪滿  
自將紅燭上樓看

銀瓶瀉水欲朝粧  
燭焰紅高粉壁光  
共怪滿身珠翠冷

黃花瓦上有新霜

禁樹傳聲在九霄  
內中殘火獨遙遙  
千官待取門猶閉  
未到宮前下馬橋

劉言史

過春秋峽

峭壁蒼蒼苔色新  
無風晴景自勝春  
不知何事幽巖裏  
臘月開花似北人

冬日峽中旅泊

霜月明明雪復殘孤舟夜泊使君灘  
一聲鐘出遠山裏  
暗想雪窗僧起寒

泊花石浦

舊業叢臺廢苑東幾年爲梗復爲蓬  
杜鵑啼斷回家夢  
半在邯鄲驛樹中

越井臺望

獨立陽臺望廣州更添羈客異鄉愁  
晚潮未至早潮落  
井邑暫依沙上頭

桂江逢王使君旅櫬歸

故人丹旌出南威，少婦隨喪哭漸歸。  
遙想北原新隴上，日寒光淺水松稀。

病中客散後言懷

華髮離披卧滿頭，暗蟲衰艸入鄉愁。  
枕前人去空庭暮，又見芭蕉白露秋。

偶題

得罪除名謫海頭，驚心無暇與身愁。  
中使不知何處住，

家書莫寄向春州

李翱

奉酬劉言史宴光風亭

閨餘春早景沈沈  
襖飲風亭恣賞心  
紅袖青娥留永夕  
漢陰寧肯羨山陰

張登

招客遊寺

江城吏散倦春陰  
山寺鳴鐘隔雨深  
招取遺民赴僧社



竹堂分坐靜看心

楊憑

雨中怨秋

辭家遠客愴秋風  
千里寒雲與斷蓬  
日暮隔山投古寺  
鐘聲何處雨濛濛

楊凝

春怨

花滿簾櫳欲度春  
此時夫婿在咸秦  
綠窗孤枕難成寐

紫燕雙飛似弄人

送客入蜀

劍閣迢迢夢想間  
行人歸路遶梁山  
明朝騎馬搖鞭去  
秋雨槐花子午關

楊凌

明妃曲

漢國明妃去不還  
馬馱絃管向陰山  
匣中雖有菱花鏡  
羞對單于照舊顏

段文昌

尋龍華山寺廣宣上人

十里惟聞松桂風  
江山忽轉見龍宮  
正與休師方話舊  
風煙幾度入樓中

劉阜

長門怨

淚滴長門愁夜長  
愁心和雨到昭陽  
淚痕不學君恩斷  
拭却千行更萬行

崔護

題城南莊

去年今日此門中人面桃花相映紅  
人面不知何處去  
桃花依舊笑春風

裴交泰

長門怨

自閉長門經幾秋  
羅衣濕盡淚還流  
一種蛾眉明月夜  
南宮歌管北宮愁

韋臯

贈玉簫青衣名玉指環

黃雀銜來已數春  
別時留解贈佳人  
長江不見魚書至  
爲遣相思夢入秦

崔向

題越王臺

越井岡頭松柏老  
越王臺上生秋草  
古木多年無子孫  
牛羊踐踏成官道

崔郊

贈去婢

公子王孫逐後塵，綠珠垂淚滿羅巾。  
侯門一入深如海，從此蕭郎是路人。

梁州曲二首

關山萬里遠征人，一望關山淚滿巾。  
青海戍頭空有月，黃沙磧裏本無春。

高檻連天望武威，窮陰拂地戍金微。  
九城絃管聲遙發，

一夜關山雪滿飛

胡幽貞

喜韓少府見訪

忽聞梅福來相訪  
笑著荷衣出草堂  
兒童不慣見車馬  
走入蘆花深處藏

觀諸妓繡樣

日暮堂前花葉嬌  
爭拈小筆上牀描  
繡成安向春園裏  
引得黃鶯下柳條

小兒垂釣

蓬頭穉子學垂綸側坐莓苔草映身  
路人借問遙招手恐畏魚驚不應人

孫叔向

送咸安公主

鹵簿遲遲出國門漢家公主嫁烏孫  
玉顏使向穹廬去衛霍空成明主恩

王初



立春後作

東君珂珮響珊珊青馭多時下九關方信玉霄千萬里  
春風猶未到人間

春日詠梅花

青帝來時值遠芳殘花殘雪尚交光隔年擬待春消息  
得見春風已斷腸

衛象

古詞

鵲血雕弓濕未乾  
礪鵝新染劒光寒  
遼東老將髮成雪  
猶向旄頭夜夜看

宣宗

題涇縣水西寺

大殿連雲接賞谿  
鐘聲還與鼓聲齊  
長安若問江南事  
說道風光在水西

柳公權

代宮嬪

不分前時忤主恩  
已甘寂寞守長門  
今朝卻得君王顧  
重入椒房拭淚痕

盧肇

登祝融寺蘭若

祝融絕頂萬餘層  
策杖攀蘿步步登  
行到月宮霞外寺  
白雲相伴兩三層

段成式

題石泉蘭若

金少日乃  
蠹竹爲籬松作門石楠陰底藉芳蓀方袍近日少平叔  
注得逍遙無處論

怯酒

大白東西飛正狂新窮石凍雜花香詩中反語常迴避  
猶怯花前喚索郎

觀碁

閒對奕楸傾一壺黃羊枰上幾成都他時謁帝銅池曉  
便賭宣城太守無

題谷隱蘭若

風惹閒雲半谷陰  
巖西隱者醉相尋  
草衰乍覺徑增險  
葉盡却疑溪不深

柔卿解籍戲呈飛卿

出意挑鬟一尺長  
金爲鈿鳥簇釵梁  
鬱金種得花茸細  
添入春衫領裏香

猿

却憶書齋值晚晴  
挽枝閒嘯激蟬清  
影沈巴峽夜巖色

蹤絕石塘寒瀨聲

折楊柳

枝枝交影鎖長門  
嫩色曾霑雨露恩  
鳳輦不來春欲盡  
空留鶯語到黃昏

嫩葉初齊不耐寒  
風和時節玉欄干  
君王去日曾攀折  
泣雨傷春翠黛殘

微黃纔綻未成陰  
繡戶珠簾相映深  
長恨早梅無賴極  
先將春色出前林

哭李羣玉

酒裏詩中三十年縱橫唐突世喧喧明時不作禍衡死  
傲盡公卿歸九泉

醉中吟

只愛糟牀滴滴聲長愁聲絕又醒醒人間榮辱不常定  
惟有南山依舊青

桃源僧舍看花

前年帝里探春時寺寺名花我盡知今日長安已灰燼

忍能南國對芳枝

來鵠

遊魚

弄萍隈荇思夷猶掉尾揚鬐逐漫流  
應怕碧巖巖下水  
浮藤如線月如鉤

任翻

題台州寺

絕頂新秋生夜涼  
鶴翻松露滴衣裳  
前峰月映半江水



僧在翠微開竹房

張演

社日

鷺湖山下稻梁肥  
豚柵雞栖對掩扉  
桑柘影斜春社散  
家家扶得醉人歸

王叟

貧女

難把菱花照素顏  
試臨春水插花看  
木蘭船上遊春女

笑指荆釵下遠灘

曹生

別李源

身前身後事茫茫  
欲話因緣恐斷腸  
吳越溪山尋已徧  
却回溪棹上瞿塘

方壺居士

隋堤詞


嘗憶江都大業秋  
曾隨鑾跸戲龍舟  
傷心一覺興亡夢

隄柳無情識世愁

衡山舟子

舟行作

野鵲灘西一棹孤  
月光遙接洞庭湖  
堪嗟迴雁峰前過  
望斷家山一字無



石倉歷代詩選卷一百二十三